

---

**AKT - THEMELIMI**  
**I SHOQËRISË ME PËRGJEGJËSI TË KUFIZUAR**  
**"PROPER PIZZA VELIPOJË" SH.P.K**

Sot në Shkodër, më datë 25.03.2024, hartuan dhe nënshkruan këtë akt-themelimi (në vijim referuar si "**Akti i Themelimit**"), palët e mëposhtme:

**Z. Eno Kepi**, shtetas shqiptar, lindur dhe banues në Shkodër, Shqipëri, më datë 04.08.1989, identifikuar nga letërnjoftimi elektronik me Nr. Personal I90804108Q;

**Z. Elvis Reçi**, shtetas shqiptar, lindur dhe banues në Shkodër, Shqipëri, më datë 22.05.1989, identifikuar nga letërnjoftimi elektronik me Nr. Personal I90522110R;

(në vijim së bashku referuar si "**Themeluesit**").


*Themeluesit janë me zotësi të plotë juridike dhe për të vepruar. Me vullnetin e tyre të lirë dhe të plotë ata ranë dakort me hartimin e këtij Akti Themelimi, në përputhje me legjislacionin shqiptar, sipas kushteve të mëposhtme.*

**PREAMBULA**

Duke marrë në konsideratë se ne, Themeluesit, duam të ushtrojmë veprimtari ekonomike dhe kemi për qëllim arritjen e objektivave ekonomike të përbashkët, duke dhënë dhe bashkuar kontributet tona në një shoqëri tregtare me përgjegjësi të kufizuar, me qëllimin final për të prodhuar dhe ndarë përfitim ekonomik.

Ne, të nënshkruarit, **Z. Eno Kepi** dhe **Z. Elvis Reçi**, me vullnetin tonë të lirë dhe të plotë, bazuar në Ligjin Nr. 9901, datë 14.04.2008 "Për tregtarët dhe shoqëritë tregtare", në Ligjin Nr. 9723, datë 03.05.2007 "Për Qendrën Kombëtare të Biznesit", si dhe në dispozitat përkatëse të Kodit Civil të Republikës së Shqipërisë, hartuam këtë akt, me qëllim për të deklaruar themelimin e shoqërisë me përgjegjësi të kufizuar të së drejtës shqiptare, me emrin "**PROPER PIZZA VELIPOJË" SH.P.K.**

---



---

*ATËHERË, duke marrë në konsideratë sa më lart, për të cilat Themeluesit janë dakort dhe nuk kanë pretendime, Themeluesit bien dakort për hartimin dhe përmbajtjen e këtij Akti-Themelimi si më poshtë.*

### **Neni 1**

#### **Forma - Emri - Selia**

- 1.1** Shoqëria tregtare do të jetë e formës "Shoqëri me përgjegjësi të kufizuar" dhe do të ketë emrin "**PROPER PIZZA VELIPOJË**" SH.P.K.
- 1.2** Shoqëria "**PROPER PIZZA VELIPOJË**" SH.P.K do të ketë selinë në godinen nr Q, njesi me nr.5 ne katin 0 perballe me kompleksi Fishta, Velipojë. Adresa e selisë së shoqërisë do të përcaktohet edhe në statutin e saj dhe mund të ndryshojë në të ardhmen me vendim të organeve vendimmarrëse përkatëse.

### **Neni 2**

#### **Parimet - Kohëzgjatja**

- 2.1** Shoqëria "**PROPER PIZZA VELIPOJË**" SH.P.K do të jetë dhe do të funksionojë si një shoqëri tregtare, në formën e shoqërisë me përgjegjësi të kufizuar, e pavarur nga Shteti dhe nga institucionet e Shtetit shqiptar dhe/ose partitë politike, si dhe e pavarur nga çdo organizatë apo organizëm tjetër i së drejtës publike apo private.
- 2.2** Shoqëria "**PROPER PIZZA VELIPOJË**" SH.P.K do të punojë bazuar në parimet e ekonomisë së tregut dhe konkurrencës së ndershme. Funksionimi i shoqërisë "**PROPER PIZZA VELIPOJË**" SH.P.K, do të funksionojë bazuar në parimin e detyrimit të besnikërisë, në parimin e të drejtës së informimit, në parimin e ndalimit të abuzimit me detyrën dhe formën e shoqërisë, në parimin e ndalimit të konkurrencës së pandershme, në parimin e sekretit tregtar, siç rezultojnë nga dispozitat 14 deri 18 të Ligjit nr. 9901, date 14.04.2008 "Për tregtarët dhe shoqëritë tregtare", në çdo parim tjetër që komandohet nga zakonet dhe marrëdhëniet e mira tregtare, si dhe në Kodin e Drejtimit të Brendshëm të Shoqërive Tregtare (Corporate Governance Code), siç është miratuar me vendimin nr. 1, datë 02.12.2011 të Këshillit Konsultativ të Biznesit.
- 2.3** Kohëzgjatja e veprimtarisë së shoqërisë "**PROPER PIZZA VELIPOJË**" SH.P.K do të jetë pa afat të përcaktuar.
- 2.4** Veprimtaria e shoqërisë "**PROPER PIZZA VELIPOJË**" SH.P.K do të bazohet në Kushtetutën e Republikës së Shqipërisë, marrëveshjet ndërkombëtare të ratifikuara nga Republika e Shqipërisë dhe/ose marrëveshjet ndërkombëtare që do të ratifikohen në të ardhmen,

---

legjislacionin e Republikës së Shqipërisë, në veçanti atë për shoqëritë tregtare, në Statutin dhe Akt-Themelimin e saj.

**2.5** Personat që veprojnë në emër të shoqërisë, përpara se kjo të fitojë personalitetin juridik, përgjigjen personalisht në mënyrë të pakufizuar dhe solidare për veprimet e kryera në emër të saj. Me fitimin e personalitetit juridik, Themeluesit, Ortakët, Administratori, si dhe punonjësit e shoqërisë "PROPER PIZZA VELIPOJË" SH.P.K, nuk përgjigjen individualisht/personalisht apo solidarisht për detyrimet e kësaj të fundit ndaj personave të tretë (persona fizikë apo persona juridikë), por mbulojnë personalisht humbjet e shoqërisë deri në pjesën e pashlyer të kontributeve të nënshkruara. Vetëm shoqëria "Proper Pizza Velipojë" SH.P.K, e pajisur sipas ligjit me personalitetin juridik të nevojshëm, është përgjegjëse për detyrimet e saj ndaj personave të tretë (persona fizikë apo persona juridikë).

**2.6** Themeluesit do të japin kontributet e tyre në shoqëri, në para ose në natyrë, sipas mënyrave dhe afateve të parashikuara në statutin e shoqërisë, si dhe do të kryejnë formalitetet e themelimit sipas kërkesave të Ligjit Nr. 9901, datë 14.04.2008 "Për tregtarët dhe shoqëritë tregtare", të Ligjit Nr. 9723, datë 03.05.2007 "Për Qendrën Kombëtare të Biznesit", si dhe të dispozitave përkatëse të Kodit Civil të Republikës së Shqipërisë.

### **Neni 3**

#### **Objekti i Veprimtarisë**


Shoqëria "PROPER PIZZA VELIPOJË" SH.P.K do të ketë si objekt të veprimtarisë së saj të gjithë aktivitetet e mundshme që nuk ndalohen me ligj, dhe që do të përcaktohen në detaje në statutin e shoqërisë.

### **Neni 4**

#### **Kapitali - Përfaqësimi - Organet e Shoqërisë**

**4.1** Shoqëria do të ketë kapitalin të përcaktuar në statutin e saj, sipas kontributeve të Themeluesve të saj në para dhe/ose në natyrë. Në çdo rast, ky kapital nuk mund të jetë më i vogël se 100 Lekë.

**4.2** Shoqëria do të përfaqësohet sipas rregullave të përcaktuara nga Ligji Nr. 9901, datë 14.04.2008 "Për tregtarët dhe shoqëritë tregtare", si dhe sipas rregullave të statutit.



---


**4.3** Rregullimi i hollësishëm i çështjeve të organizimit, të funksionimit dhe të veprimtarisë së shoqërisë "PROPER PIZZA VELIPOJË" SH.P.K, parashikohet në statutin e saj, bazuar në Ligjin Nr. 9901, datë 14.04.2008 "Për tregtarët dhe shoqëritë tregtare".

Hartuar, më datë 25.03.2024, në Shkodër ,në 2 (dy) kopje origjinale në gjuhën shqipe secila me të njëjtën vlerë juridike.

**THEMELUESIT E SHOQËRISË  
"PROPER PIZZA VELIPOJË" SH.P.K**

**Z. ENO KEPI**

ENO KEDI



**Z. Elvis Reçi**

ELVIS REÇI

